

Date – 09/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. **Power & Electricity Minister Pu F. Rodingliana'n nimin khan hmun hniha kawlphehtha tihchangtlunna Sub-Station bun thar te a hawng.**
2. **Hmeichhiate Ni (International Women's Day) pualin nimin khan hmeichhiate tana kawng sial pawimawhna inzirtirna hun hman a ni.**
3. **National Legal Services Authority-in ram puma National Lok Adalat buatsaih tura a tih angin nimin khan Lungleiah National Lok Adalat a buatsaih.**
4. **President Droupadi Murmu chuan India hmasawwna chu mahni inrintawkna nei, mahni inngaihllu leh chakna nei hmeichhiate chakna chauhva din theih a nih thu a sawi.**

<><><>

POWER MINISTER

Power & Electricity Minister Pu F Rodingliana'n nimin khan hmun hniha kawlphehtha tihchangtlunna - Sihmui atanga Zuangtui Sub-Station 132 kV Single Circuit Line leh 11kV Chite Sub-Station bun thar te a hawng.

Pu F. Rodingliana chuan Mizoramin kawlphehtha a intodelh nan kawlpetha lak leh semna kawnga line tihchangtlunna tur leh kawlphehtha mumal zawka mipuiin an hmuh thei nan department-in nasa takin hma a la mek a ni a ti a. Sawrkar in kawlphehthaa intodelhna chu a ngaihpawimawh avangin Tuivai, Chhimtuipui, Turini leh Tlawng khuahna tur chu tharthawh leh a nih thusawiin, nizung atanga kawlphehtha siamchhuah kawngah pawh hmalak mek a nih thu a sawi.

Luangmual Sub-Station kaltlanga 132kV line Sihmui leh Zuangtui thlunzawmna hawwna hi 132kV Sub-Station, Zuangtui Control Room-ah neih a ni a. Hemi hnu hian Chite Sub-Station hawwna chu Chite Sub-Station hmunah neih a ni.

Chite Sub-Station hi Ministry of DoNER hnuai North Eastern Special Infrastructure Development Scheme (NESIDS) atangin thawh a ni.

<><><>

IWD

Khawvel huap Hmeichhiate Ni (International Women's Day) pualin nimin khan hmeichhiate tana kawng sial pawimawhna inzirtirna hun hman a ni.

Mizoramah pawh he ni hi ngaihpaawimawh a ni a, Minister Pi Lalrinpuii chuan Zoram mipuite Hmeichhiate Ni chibai a buk a, Hmasawnna tluantling nei tur chuan hmeichhiate dinhmun chawikan a pawimawh takzet tih a sawi a ni.

MLA Pi Baryl Vanneihsangi chuan he ni puala thuchah Akashvani kaltlanga sawiin, hmeichhia ten nih theih loh an nei lova, duhna tak tak an neih chuan an thei a, inlungualna leh induhsakna a pawimawh hle a ni a ti.

MHIP President Pi Ngurmawii Sailo pawhin Mizoram mipuite chu Hmeichhiate Ni chibai a buk a ni.

India Women Hockey Player Lalremsiami Hmar chuan Hmeichhiate Ni pualin Mizo mipuite chibai a buk bawk.

Siaha-ah chuan MADC Golden Jubilee Hall, Council Vaih-ah Evangelical Church of Maraland (ECM) hnuaia Krizyha Nô Py (KNP) Headquarter leh District Hub for Empowerment of Women, (DHEW) Women and Child Development buatsaihin International Women’s Day hman a ni a, HIV/AIDS Awareness Campaign neih nghal a ni. He hun hmannaah hian ECM KNP Headquarters leh Siaha khawpui chhunga KNP Branch hrang hrang aiawh mi 200 vel an tel.

<><><>

LOK ADALAT

National Legal Services Authority-in ram puma National Lok Adalat buatsaih tura a tih angin nimin khan Lunglei District Legal Services Authority (DLSA) chuan District Court Building, Lungleiah National Lok Adalat a buatsaih.

He hunah hian Lunglei District huam chhunga court la thlenpui loh thubuai hrang hrang bakah, mimal thubuai chi hrang hrang 131 ngaihtuah a ni.

Lungleia National Lok Adalat-a thubuai ngaihtuah tur hian Bench pahnih buatsaih a ni a. Bench-I hi Lunglei Senior Civil Judge Pu BT Lala Sakachep chuan kaihruaiin, Bench-II hi Judicial Magistrate First Class Pu C. Lalbiakmuana'n a kaihruai thung a. Thubuai hrang hrang theh luh atang hian thubuai 16 sawi rempui niin, tihfel a ni a. Nimina thubuai ngaihtuahah hian leiba inthinna a tam ber a, report buatsaih lai hian cheng nuai 18 hu chin fel a ni.

Lok Adalat-ah hian thubuai neitute duh dan angin inremna ziahpui thin a ni a. Sum sen ngai lovin thubuai hi chin felsak thin a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

HMEICHHE KHAWMPUI

Mizoram Presbyterian Kohhran Hmeichhe khawmpui lian neih mekah ram pum huapa zuk leh hmuam do an rel.

Nimin Inrinni nileng khan Thenzawl Field Veng Kohhran Biak Inah rorel niin General Agenda 7 a awm a, floor thleng lova in hrilhfiab 15 a awm bawk. Rorel inkhawma an thu pawm zingah Synod Hospital, Durtlang leh John Williams Hospital, Lunglei pualin tumkhat inkhawm thawhlawm lakkhawm te, Zuk leh hmuam dona a ram pum huapa hmalak te, HIV/AIDS natna hlauhawm zia inzirtir te, Plastic bawlhhlawh paih/tihral dan tha uar zawka in zirtir te an rel a. Kohhran hmeichhia te chuan, "Ram pum huapin kan tu leh fate Biak Ina hruai uar lehzual tura in zirtirna neih ni rawh se" an ti. Kum 2025-2026 Inkhawmpui lian budget atan cheng vbch. 43 pawm a ni bawk.

Nimin rorel inkhawmah hian Inkhawmpui lian leh rorel inkhawm neihna hmun tur pawh ruahman nghal a ni a, Kum 2026 Rorel Inkhawm - Champhai Vengthlang, Kum 2027 Inkhawmpui Lian - N. Vanlaiphai leh Kum 2028 Rorel Inkhawm - Sihphira neih turin ruahman a ni.

Preabyterian Kohhran Hmeichhia hian ram pumah member 2,03,840 an nei mek a, Champhai Vengthlang Bial chu member tamna ber bial niin 3,039 an awm mek a, Buarpui Bial chu member flemna ber bial a ni thung. Inkhawmpui hi zanin hian an ñiak ang.

<><><>

President on Women Empowerment

President Droupadi Murmu chuan India hmasawнна chu mahni inrintawkna nei, mahni inngaihllu leh chakna nei hmeichhiate chakna chauhva din theih a nih thu a sawi. Nimin khan International Women’s Day pualin New Delhi-ah ni khat chhung awh tur conference ‘Nari Shakti Se Viksit Bharat’ tih thupui hmangin thu a sawi a, President chuan India chu khawvela economy lian pathumna nih a tum mek avangin hnathawkte zingah hmeichhia tam zawk an awm a ngai tih a sawi.

Sorkar laipui chuan ram chhunga hmeichhiate chu kawng engkimah chawikan an nih theih nan leh India ram hmasawнна lam hawia hnam hruai thei tura hmalak chhunzawm zel a nih thu a sawi. Nari Shakti Vandan Adhiniyam hmanga Lok Sabha leh State Assembly-a hmeichhiate tana reservation pek chu political empowerment lama hmasawнна ropui tak a nih thu a sawi bawk.

<><><>